



Nikolaj Jeremiassen
Medlem af Inatsisartut
-Takanna

Kangaatsiap nioqqutissanik pilersorneqarnera pillugu § 37 tunngavigalugu apeqqummut normu 73-imut akissut

02-04-2014
Sags nr. 2014-097827
Dok. nr. 1535337

Postboks 1160
Tlf: 34 50 00
Fax: 34 55 05
3900 Nuuk

Email: pan@nanoq.gl
www.naalakkersuisut.gl

Apeqqutinnut qujanaq. Ataani akineqarput.

1. Nioqqutissanik pilersuineq silaannakkut assartuinikkut ingerlatiinnarneqarniarpa? Naak immakkut pilersuineq periarfissaagaluartoq.

Pilersuisumut apeqqutaavoq Royal Arctic Linep aamma Air Greenlandip qanoq pilersaaruteqarnerat suullu piviusunngortinneraat immakkut silaannakkullu assartuineq eqqarsaatigalugu. Sikuutillugu silaannakkut assartuineq periarfissatuaasinnaasarpog.

Pilersuisup immakkut assartuineq piumanerusarpaa, tassuuna aningaasartuutit appasinnerusarmata. Nioqqutissat amerlanerusunngorlugit assartorneqarsinnaasarpog nioqqutissallu issimut/kiammut mianerisariallit tulluarnerusumik paarineqarsinnaasarlutik, silaannakkut assartuinermi issip/kiaap nikerartarnera immaqalu nillataartumiititsisinnaannginneq aporfigneqartarami. Immakkut assartuinermi akornutitut ittartoq tassaavoq nassiussineq sivisunerusoq.

Nioqqutissat sivikitsumik atasinnaassusillit sikuusarnera tamaat toqqortaatigineqarsinnaanngillat. Nioqqutissat taamaattut silaannakkut assartorneqartariaqartarput pissarsiarineqarsinnaassappata. Taamatutaaq aamma tassangaannartumik pisariaqartitsisoqaleraangat nioqqutissat silaannakkut assartortariaqarsinnaasarpog.

Taamaammat nioqqutissanik pilersuinerup assartueriaatsimik ataatsimik tunngaveqartinnissaa naleqqutinngilaq.

2. Umiarsuakkut nioqqutissanik pilersuineq siusinnerusukku pisarnissaa Naalakkersuisut piumasarisinnaavaat?

Nunaqarfiit angallavigisarnissaannut killiliussat Namminersorlutik Oqartussat aamma Royal Arctic Bygdeservicep (RAB) akornanni kiffartuussinermik isumaqatigiisummi aalajangersagaappog. Nunaqarfiit tikinneqartarnissaannut pilersaarusiorneq aalajangersimasog RAB-ip akisussaaffigaa, assersuutigalugulu Kangaatsiap angallavigneqartarnera immikkut ittumik Naalakkersuisunit akuerineqartussaannngilaq.

Pilersaarusionerq pisarpoq sikuunissaanut *qanoq ilimasunneq* tunngavigalugu.
Pilersaarusionerq piviusoq Danmarks Meterologiske Institut suleqatigalugu pisarpoq
aammattaaq ukiuni siusinnerusuni sikuusarsimanera tunngavigalugu.
Kisianni illoqarfiit ataasiakkaat ilaanni umiarsualivik sikuunngikkaangaat
imaattariaqanngilaq aqqut angallavissaq sikuunngitsoq.

Tassa imaappoq Naalakkersuisut angallannermut pilersaarutit allanngortinnissaat
toqqaannartumik piumasarisinnaanngilaat, kisianni isumaqatigiissut naapertorlugu RAB
pisussaavoq sikuunerata allanngoriartornera nalilersortuartussaallugu angallannerup
pissutsinut sapinngisamik pitsaanerpaamik naleqqussarneqarniassammat.

Inussiarnersumik inuulluaqqsillunga
Med venlig hilsen



Steen Lyngø